



Icyegeranyo cy'amakuru y'imikino yaranze icyumweru

2023

Taliki 24– 29 Ugushyingo



P.1 Swimming : Uganda yegukanye irushanwa ry'Akarere ka 3, u Rwanda ku mwanya wa 4

Ijambo ry'ibanze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'Imikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigitimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

Ibirimo

- P1 **Swimming** : Uganda yegukanye irushanwa ry'Akarere ka 3, u Rwanda ku mwanya wa 4
- P2 **Cricket** : Indatwa Hampshire CC yegukanye "Dafabet RCA Women T20 League 2023"
- P2 **Cycling** : Habaye umunsi wa 5 wa "Rwanda Youth Racing Cup 2023"
- P3 **Football** : Habaye imikino y'umunsi wa 11 wa shampiyona
- P3 **Triathlon** : Gatete na Uwiringiyimana begukanye "Kigali Duathlon National Championship 2023"
- P4 **Basketball** : LDK na GS Marie Reine Rwaza zegukanye ibikombe muri Jr NBA League 2023
- P5 **Athletics** : Muhitira yegukanye isiganwa muri Martinique
- P5 **Handball** : APR HBC na Kiziguro SS zegukanye igikombe cy'igihugu
- P6 **Cycling** : Hatangajwe inzira n'amakipe azitabira Tour du Rwanda 2024
- P7 **Athletics** : Mukandanga yegukanye irushanwa mu Butaliyani
- P7 **Rugby** : Kamanda yongeye gutorerwa kuyobora RRF
- P8 **Cycling** : Ingabire Diane yitwaye neza mu irushanwa ryabereye muri Kenya
- P8 **Handball** : Abagera kuri 30 bahawe amahugurwa yo gusifura
- P9 **Sitting Volleyball** : Habaye imikino ya shampiyona y'umunsi wa kabiri

Kuva taliki 23 kugeza 25 Ugushyingo 2023, mu Rwanda habereye imikino y'Akarere ka 3 muri Afurika mu mukino wo Koga yari ibaye ku nshuro ya 8 "Africa Aquatics ZONE 3 Swimming Championship 2023".

Iyi mikino yitabiriwe n'ibihugu 10 harimo 8 bibarizwa mu Karere ka 3 ari byo u Rwanda, Burundi, Djibouti, Eritrea, Kenya, Ethiopia, Uganda Tanzania n'ibindi bibiri bitabarizwa muri aka Karere ari byo Afurika y'Epfo na Eswatini.

Muri rusange iri rushanwa ryitabiriwe n'abakinnyi 261 barimo 60 b'ikipe y'u Rwanda bakaba barahatanye mu byiciro bitandukanye by'imyaka harimo 12 kumanura, abafite hagati ya 12 na 13, 15 na 16 n'abafite imyaka 17 kuzamura mu bahungu n'abakobwa.

Iri rushanwa ryabereye muri Gahanga Recreation Center aho abahatanye boze mu buryo 4 butandukanye burimo "Freestyle", "Backstroke", "Breaststroke" na "Butterfly" ndetse banarushanwa mu ntera zitandukanye zirimo metero 50, 100, 200, 400 na 800.

Nyuma yo guhatana mu bice "Event" bigera ku 142, Uganda ni yo yitwaye neza yegukana umwanya wa mbere n'amanota 3206, ku mwanya wa kabiri haje Tanzania n'amanota 2753, ku mwanya wa 3 haza Kenya n'amanota 1843 naho ikipe y'u Rwanda iza ku mwanya wa 4 n'amanota 1348. Uko ibindi bihugu byakurikiranye, Burundi (1291), South Africa (622), Eswatini (162), Eritrea (109), Djibouti (95.50) na Ethiopia (61).

Muri rusange u Rwanda rwegukanye imidali 21 harimo 3 ya Zahabu, 5 ya Feza na 13 y'Umulinga. Mu bahungu u Rwanda rwabaye urwa 3 n'amanota 769 naho mu bagore ruba urwa 4 n'amanota 547.

Iri rushanwa ryaherukaga kubera mu Rwanda muri 2016 aho ryabereye muri La Palisse Hotel i Nyamata.

Irushanwa uyu mwaka wa 2023 ryagombaga kubera muri South Sudan ariko basanga bitashoboka kubera ibibazo by'umutekano, u Rwanda rusabwa kuryakira gusa ruzanakira irya 2025 kuko riba buri mwaka naho umwaka utaha wa 2024 rizabera i Burundi.



2 Cricket : Indatwa Hampshire CC yegukanye "Dafabet RCA Women T20 League 2023"

Taliki 26 Ugushyingo 2023 ni bwo hasojwe irushanwa "Dafabet RCA Women T20 League 2023" ryari ryatangiyeye taliki 18 Nzeri 2023.

Iri rushanwa ryitabiriwe n'amakipe 5 asanzwe akina shampiyona y'icyiciro cya mbere mu mukino wa Cricket mu bagore ari yo White Clouds CC, Gahanga Queens CC, Indatwa Hampshire CC, Charity CC na Sorwathe Girls CC. Aya makipe akaba yarakinnye hagati yayo umukino ubanza n'uwu kwishyura.

Ubwo hasozwaga iyi mikino kuri Sitade Mpuzamahanga ya Gahanga, ikipe y' Indatwa Hampshire CC yatsinze Gahanga Queens CC ku kinyuranyo cy'amanota 13 (89-76) naho ikipe ya Charity CC itsinda White Clouds CC ku kinyuranyo cy'amanota 67 (106-39).

Ikipe ya Indatwa Hampshire CC yasoreje ku mwanya wa mbere n'amanota 14 aho yahawe igikombe na miliyoni 1 y'amafaranga y'u Rwanda. Ku mwanya wa kabiri haje ikipe ya Charity CC n'amanota 10 naho ku mwanya wa gatatu hari Gahanga Queens CC n'amanota 8. Ikipe ya Sorwathe Girls CC yasoreje ku mwanya wa 4 n'amanota 8 naho White Clouds CC isoreza ku mwanya wa 5 aho nta nota na rimwe ifite.

Muri iri rushanwa, Bimenyimana Diane ukunira ikipe ya Charity CC akaba ari na kapiteni w'ikipe y'u Rwanda ni we wabaye umukinnyi w'irushanwa "Player of the League" ndetse anaba uwateye neza agapira "Best Bowler" aho yakuye mu kibuga abakinnyi 18 ndetse anatsinda amanota 102. Gisele Ishimwe ni we watsinze amanota menshi 243 mu mikino 8.



Cycling : Habaye umunsi wa 5 wa "Rwanda Youth Racing Cup 2023"

Taliki 26 Ugushyingo 2023 muri "Field of Dreams" mu Karere ka Bugesera habereye umunsi wa 5 wa shampiyona y'abakiri bato "Rwanda Youth Racing Cup 2023".

Iri siganwa "Rwanda Youth Racing Cup 2023" ritegurwa n'ishyirahamwe ry'umukino w'amagare mu Rwanda "FERWACY" rihuza abana bari hagati y'imyaka 12 na 19.

Uko isiganwa ryagenze

Mu bahungu

- **Benjamins Boys (6km)**
 1. Ishimwe Sano Prince 17'03"
 2. Ihirwe Samuel 18'32"
 3. Kwibuka Prince 20'08"
- **Pupilles Boys U-11 (6km)**
 1. Sano Francis 18'51"
 2. Ndayishimiye Albert 19'36"
 3. Bahati Jesus 23'00"
- **Minimes Boys U-15 (12km)**
 1. Shema Emmanuel 28'26"
 2. Gisubizo Issa 28'39'
 3. Habumuremyi Cyusa 29'19"
- **Cadets Boys U-17 (24km)**
 1. Byusa Pacifique 34'00"
 2. Ntirenganya Moses 34'33"
 3. Kwizera Thank You 37'54"
- **Men Juniors U-19 (26.4km)**
 1. Nshutiraguma Kevin 36'27"
 2. Ufitimana Schadrack 37'52"
 3. Rugemintwaza Janvier 39'1"

Mu bakobwa

- **Benjamins Girls (6km)**
 1. Liza Jehovaire 20'04"
- **Pupilles Girls U-11 (6km)**
 1. Beza Teta Tracy 18'57"
 2. Munezero Gentille 19'47"
- **Minimes Girls U-15 (12km)**
 1. Ishimwe Cynthia 29'21"
 2. Nyiribambe Akelyne 32'26"
 3. Niyomukiza Claudine 34'30"
- **Cadets Girls U-17 (12km)**
 1. Masengesho Yvonne 26'18"
 2. Niyokwizera Clementine 26'34"
 3. Ishimwe Françoise 27'11"
- **Women Juniors U-19 (24km)**
 1. Byukusenge Mariatha 34'33"
 2. Ingabire Domina 42'29"
 3. Irakoze Denise 44'31"



3 Football : Habaye imikino y'umunsi wa 11 wa shampiyona

Taliki 24 kugera 26 Ugushyungo 2023 habaye imikino y'umunsi wa 11 wa shampiyona y'icyiciro cya mbere mu mupira w'amaguru mu bagabo. Nyuma y'iyi mikino, taliki 28 na 29 Ugushyungo 2023 habaye imikino ibiri y'ibirarane yari iy'umunsi wa 5 ikaba itarakiniwe igihe. Imikino y'umunsi wa 12 biteganyijwe ko izaba taliki 01 kugeza 03 Ukuboza 2023.

Uko imikino yagenze

Taliki 24-11-2023

- Gorilla FC 1-0 Etoile de l'Est

Taliki 25-11-2023

- Etincelles FC 1-1 Rayon Sports
- Bugesera FC 0-1 Marines FC
- AS Kigali 1-1 APR FC
- Amagaju FC 1-2 Police FC

Taliki 26-11-2022

- Mukura 0-0 Muhazi United
- Sunrise FC 0-0 Kiyovu
- Gasogi United 2-0 Musanze FC

Imikino y'ibirarane

Taliki 28-11-2023

- Police FC 1-2 Rayon Sports

Taliki 29-11-2023

- Sunrise FC 0-1 APR FC

Urutonde rwa shampiyona 2023-2024

Umwanya	Ikipe	Imikino	Amanota
1	APR FC	11	25
2	Musanze FC	11	23
3	Police FC	11	22
4	Rayon Sports	11	20
5	Kiyovu	11	16
6	Mukura	11	16
7	Marines FC	11	15
8	Amagaju FC	11	14
9	Gasogi United	11	14
10	Gorilla FC	11	12
11	Muhazi United	11	11
12	Etincelles FC	11	11
13	AS Kigali	11	10
14	Sunrise FC	11	10
15	Etoile de l'Est FC	11	10
16	Bugesera FC	11	09



Triathlon : Gatete na Uwiringiyimana begukanye "Kigali Duathlon National Championship 2023"

Taliki 25 Ugushyungo 2023 ni bwo habaye irushanwa ry'umunsi wa kabiri ku ngengabihe y'amarushanwa ategurwa n'ishyirahamwe ry'umukino wa Triathlon mu Rwanda "RTF".

Iri rushanwa "Kigali Duathlon National Championship 2023" ryakiniwe mu Mujyi wa Kigali aho abakinnyi basiganwe intera ya kilometero 5 ku maguru, kilometero 20 ku igare basoza basiganwe intera ya kilometero 2.5 ku maguru aho basoje bakoze intera ya kilometero 27,5.

Inzira yakoreshejwe ni UNILAK- Rwandex - Kimihurura - Rugando - Round About Convention & Radisson Blue.

Mu bagabo, Gatete Vital ukunira ikipe ya Muhazi Triathlon Club ni we wegukanye isiganwa akoresheje isaha 1, iminota 2 n'amasegonda 15. Ku mwanya wa kabiri haje Ngendahayo Jeremie wakoresheje isaha 1, iminota 5 n'amasegonda 45 naho ku mwanya wa gatatu haza Tuyisenge Samuel wakoresheje isaha 1, iminota 6 n'amasegonda 5.

Mu bagore, Uwiringiyimana Liliane ukunira ikipe ya Huye Triathlon Club ni we wegukanye isiganwa aho yakoresheje isaha 1, iminota 23 n'amasegonda 9, yakurikiwe na Uwizeye Valentine wakoresheje isaha 1, iminota 23 n'amasegonda 49 naho ku mwanya wa 3 haza Mukamuhire Irene wakoresheje isaha 1, iminota 25 n'amasegonda 24.

Muri iri siganwa kandi hari n'abakoresheje amagare asanzwe aho Mufiteyesu Emmanuel yegukanye umwanya wa mbere akoresheje 1 n'iminota 9 akurikirwa na Nizeyimana Eric (1h 11' 40") naho ku mwanya wa gatatu haza Ndikubwimana Jean de Dieu (1h 21' 06").

Mu cyiciro cy'abantu bafite ubumuga, irushanwa ryegukanwe na Rukundo Augustin (1h 26' 34").

Irushanwa ry'umunsi wa mbere ryabereye i Gicumbi, taliki 04 Ugushyungo 2023 aho ryegukanwe na Ngendahayo Jeremie mu bagabo na Uwiringiyimana Liliane mu bagore.

Biteganyijwe ko irushanwa ry'umunsi wa gatatu rizabera mu Karere ka Nyanza, taliki 16 Ukuboza 2023.



Amakipe ya Lycée de Kigali "Cleveland Cavalier" mu bahungu ndetse na GS Marie Reine Rwaza "Utah Jazz" mu bakobwa ni yo yegukanye ibikombe bya shampiyona y'umukino wa Basketball mu batarengeje imyaka 15 "Jr NBA League 2023".

Iyi shampiyona yateguwe n'ishyirahamwe ry'umukino wa Basketball mu Rwanda "FERWABA" ku bufatanye na NBA yatangiye taliki 21 Ukwakira 2023 isozwa ku wa Gatandatu, taliki 25 Ugushyingo 2023.

Yari yahuriye hamwe abana baturutse mu bice bitandukanye by'igihugu bagera 810 barimo 360 b'abakobwa na 450 b'abahungu, baturutse mu makipe 30 y'abahungu na 24 y'abakobwa.

Buri kipe y'ikigo cy'ishuri muri buri cyiciro, yahawe izina ndetse n'imyambaro y'amakipe (30), asanzwe akina muri shampiyona ya Basketball yo muri Leta zunze Ubumwe z'Amerika "NBA".

Mu cyiciro cy'abahungu, ikipe LDK yiswe Cleveland Cavaliers ibarizwa mu gice cy'uburasirazuba yegukanye igikombe itsinze Petit Seminaire St Aloys yiswe LA Lakers yo mu gice cy'uburengerazuba ku mukino wa nyuma amanota 60 kuri 30.

Mu bakobwa GS Marie Reine Rwaza "Utah Jazz" yabaye iya mbere mu gice cy'uburengerazuba yegukanye igikombe ikipe ya ESB Kamonyi "Dallas Mavericks" yabaye iya mbere mu gice cy'uburasirazuba itsinze ku mukino wa nyuma ku manota 69 kuri 51.

Mu bihembo byatanze ku bakinnyi bitwaye neza, Ian Cruz Kabutura ukunira ikipe LDK "Cleveland Cavaliers" yahawe igihembo cy'uwahize abandi mu bahungu naho mu bakobwa gihabwa Iragena Mahoro Emeline ukunira GS Marie Reine Rwaza "Utah Jazz".

Ni ku nshuro ya kabiri hakinwaga iyi shampiyona ya Jr NBA League mu batarengeje imyaka 15, aho yaherukaga kuba mu mwaka wa 2018, ari nabwo yatanzwaga ku mugaragaru mu Rwanda.

Muri 2018, iyi shampiyona yahuje ibigo by'amashuri 30 mu bahungu n'abakobwa, ibikombe byatwawe na Green Hills mu bahungu, itsinze Sunrise High School ku mukino wa nyuma amanota 52 kuri 28 naho mu bakobwa ADEGI Gituza yegukana igikombe itsinze ISF Nyamasheke amanota 50 kuri 40.



5 Athletics : Muhitira yegukanye isiganwa muri Martinique

Taliki 26 Ugushyirye 2023, mu Mujyi wa Fort-de-France muri Martinique habereye isiganwa ry'igice cya Marato "Semi-Marathon International de Fort-de-France 2023" aho ryari ribaye ku nshuro ya 37.

Iri siganwa ryari ryatabiriwe n'abakinnyi basaga 600 ryegukanwe n'Umunyarwanda, Muhitira Félicien "Magare" mu bagabo naho mu bagore ryegukanwa na Nemchenko Maryna ukomoka muri Ukraine.

Muri kilometro 21,1, Muhitira yegukanye umwanya wa mbere aho yakoresheje isaha 1, iminota 5 n'amasegonda 25, yakurikiwe na Boutmazguine Mohamed (Maroc) wakoresheje isaha 1, iminota 5 n'amasegonda 46 naho ku mwanya wa 3 haza Mevsha Mykola (Ukraine) wakoresheje isaha 1, iminota 06 n'amasegonda 16.

Mu bagore, Nemchenko Maryna (Ukraine) ni we wegukanye irushanwa aho yakoresheje isaha 1, iminota 16 n'amasegonda 07, ku mwanya wa kabiri haza Mobuchon Cecilia (Martinique) wakoresheje isaha 1, iminota 16 n'amasegonda 31 naho ku mwanya wa 3 haza El Idrissi Fatima Azzahra (Maroc) wakoresheje isaha 1, iminota 18 n'amasegonda 17.



Handball : APR HBC na Kiziguro SS zegukanye igikombe cy'igihugu

Taliki 25 na 26 Ugushyirye 2026 habaye irushanwa ry'igikombe cy'igihugu mu mukino wa Handball mu bagabo n'abagore "Coupe du Rwanda 2023". Ikipe ya APR HBC mu bagabo na Kiziguro SS mu bagore ni zo zegukanye igikombe.

Mu bagabo hari hitabiriye amakipe 6 aho yari yashyizwe mu matsinda abiri. Itsinda A ryari rigizwe na APR HBC, Nyakabanga HC na UR Rukara naho itsinda B rigizwe na ES Kigoma, ADEGI HBC na Gorillas HC.

Ikipe ya APR HBC na ES Kigoma ni zo zitwaye neza zigera ku mukino wa nyuma maze ikipe ya APR HBC yegukana igikombe itsinze ES Kigoma ibitego 37 kuri 17.

Mu bagore hari hitabiriye amakipe 4 ari yo Kiziguro SS, Three Stars, Gorillas HC na ESC Nyamagabe. Aya makipe yakinye hagati yayo maze ikipe ya Kiziguro SS isoreza ku mwanya wa mbere yegukana igikombe. Mu mukino usozu, iyi kipe ya Kiziguro SS yatsinze ESC Nyamagabe ibitego 36 kuri 21.

Ubwu iri rushanwa riheruka muri 2022, Gicumbi HBT ni yo yari yegukanye igikombe itsinze Police HBC ibitego 38 kuri 25 mu gihe Kiziguro SS yari yegukanye igikombe itsinze ISF Nyamasheke ibitego 34 kuri 23.



Taliki 24 Ugushyingo 2023 mu Akagera Group Kicukiro habereye umuhango wo kwerekana inzira ndetse n'amakipe azitabira isiganwa mpuzamahanga mu mukino wo gusiganwa ku magare mu Rwanda "Tour du Rwanda 2024".

Iri rushanwa rizaba ribaye ku nshuro ya 16 biteganyijwe ko zizatangira taliki 18 risozwe 25 Gashyantare 2024.

TOUR DU RWANDA

18-25 FEB 2024

16th edition

ÉTAPES / STAGES

N°	Date	START	FINISH	Km	D+
1	Sunday 18/02	KIGALI BK Arena	KIGALI Convention Center	18	235m
		Team Time Trial circuit 2025 UCI RWC			
2	Monday 19/02	MUHANGA	KIBEHO	130	2030m
3	Tuesday 20/02	HUYE	RUSIZI	141	3154m
4	Wednesday 21/02	KARONGI	RUBAVU	92	2030m
5	Thursday 22/02	MUZANZE	KINIGI KWITA IZINA	13	497m
		Individual Time Trial			
6	Friday 23/02	MUZANZE	MONT KIGALI	93	1778m
7	Saturday 24/02	RUKOMO	KAYONZA	163	2019m
8	Sunday 25/02	KIGALI Convention Center	KIGALI Convention Center	90	1981m
		Road Race circuit 2025 RWC			
TOTAL AVANT HOMOLOGATION / TOTAL BEFORE HOMOLOGATION				740 km	13 724m



THE LEADER JERSEYS



11 Leader Jerseys

TEAMS SELECTED

UCI PRO TEAMS



UCI CONTINENTAL TEAMS



NATIONAL TEAMS



UCI MIXED AFRICAN NATIONS TEAMS



THE SPONSORS

- PLATINUM SPONSOR**: VISIT RWANDA
- GOLD SPONSOR**: [Logos]
- SILVER SPONSOR**: FORZA
- BRONZE SPONSOR**: [Logos]
- OFFICIAL SUPPLIER**: [Logos]
- OFFICIAL SUPPORTER**: [Logos]

25 Sponsors/Partners
3 Institutional Partners



Athletics : Mukandanga yegukanye irushanwa mu Butaliyani

Taliki 26 Ugushyingo 2023 mu Mujyi wa Florence mu Butaliyani habereye Marato mpuzamahanga "Firenze Marathon 2023", umukinnyi w'Umunyarwanda, Mukandanga Clementine niwe wegukanye iri rushanwa mu bagore naho mu bagabo ryegukanwa na El Otmani ukomoka mu Butaliyani.

Muri iyi Marato yari ibaye ku nshuro ya 39, abakinnyi basiganwe intera ya kilometero 42, Mukandanga akaba yarabaye uwa mbere akoresheje amasaha 2, iminota 25 n'amasegonda 54, yakurikiwe na Rebecca Cheptegei (Uganda) wakoresheje amasaha 2, iminota 27 n'amasegonda 08 naho ku mwanya wa 3 haza Abdi Failunga Matanga (Tanzania) wakoresheje amasaha 2, iminota 28 n'amasegonda 58.

Mu bagabo, Said El Otmani yegukanye irushanwa akoresheje amasaha 2, iminota 12 n'amasegonda 39, ku mwanya wa kabiri haje Edwin Kiplating (Kenya) wakoresheje amasaha 2, iminota 13 n'amasegonda 50 naho ku mwanya wa 3 haza Chemweno Hillary Biwott (Kenya) wakoresheje amasaha 2, iminota 15 n'amasegonda 05.

Iyi Marato mpuzamahanga "Firenze Marathon 2023" yitabiriwe n'abantu basaga ibihumbi 10.



Rugby : Kamanda yongeye gutorerwa kuyobora RRF

Taliki 26 Ugushyingo 2023 habaye inama y'Inteko rusange y'ishyirahamwe ry'umukino wa Rugby mu Rwanda "RRF" aho abanyamuryango banatoye Komite nyobozi nshya izayobora manda y'imyaka 4 iri imbere.

Kamanda Tharcisse wari usanzwe ari Perezida wa RRF ni we wongeye gutorerwa uyu mwanya ku majwi 10 kuri 11. Abandi batowe ni Gakirage Philippe nawe wongeye gutorerwa kuba Visi Perezida. Muhire John Livingstone yatorewe kuba Umunyamabanga, Ishimwe Yves atorerwa umwanya w'Umubitsi naho Hakizimana Laurien na Mudaheranwa Jean Claude batorwa nk'abagenzuzi.

Komite nshya yasimbuye iyari icyuye igihe yari yatowe mu Gushyingo muri 2018.

Aya matora yakurikiranywe n'intumwa y'ishyirahamwe ry'umukino wa Rugby muri Afurika, Paula Lanco ukomoka muri Kenya akaba ari no muri Komite y'ishyirahamwe ry'umukino wa Rugby ku Isi.

Iyi nama y'Inteko rusange yatorewemo Komite nshya y'ishyirahamwe rya Rugby mu Rwanda, yitabiriwe na Visi Perezida wa kabiri wa Komite Olempike y'u Rwanda, Madamu Umutoni Salama wakurikiranywe hafi aya matora.

Iyi Komite nshya ya RRF yiyemeje ko muri iyi manda y'imyaka iri imbere bazashyira ingufu mu kuzamura uyu mukino mu cyiciro cy'abagore ndetse no gushakira ikipe y'Igihugu imikino ya gicuti. Muri iyi nama y'inteko rusange kandi hakiriwe umunyamuryango mushya "Rwamagana Hippos".

Biteganyijwe muri Mutarama 2024 hazatangira umwaka mushya wa shampiyona ikinwa n'abakinnyi 15 "National Rugby league 15 Aside".



8 Cycling : Ingabire Diane yitwaye neza mu irushanwa ryabereye muri Kenya

Taliki 26 Ugushyingo 2023 i Nairobi muri Kenya habaye irushanwa mpuzamahanga mu mukino w'amagare "Jubilee Insurance and the Grand Nairobi Bike Race 2023".

Muri iri rushanwa ryari ribaye ku nshuro ya kabiri, umukinnyi w'Umunyarwanda, Ingabire Diane yegukanye umwanya wa kabiri mu bagore "Women Elite" akaba yarakurikiye Berber Kramer ukomoka mu Buholandi wegukanye isiganwa ndetse anegukana umwanya wa mbere mu cyiciro cy'abatarengeje imyaka 23 "Women U-23".

Iri siganwa ryari ryateguwe mu rwego rwo gushishikariza abantu gukora umukino w'amagare kuko bituma bagira ubuzima bwiza ndetse bikajyana no kubungabunga ibidukikije.

Abantu basaga ibihumbi 2 ni bo bitabiriye bakaba bari baturutse mu bihugu bigera kuri 20 birimo Kenya, Burundi, Canada, France, Germany, Ivory Coast, Netherlands, New Zealand, Nigeria, Rwanda, Slovakia, South Sudan, Sudan, Switzerland, Tanzania, Uganda, United Kingdom, USA, na Zambia.



Handball : Abagera kuri 30 bahawe amahugurwa yo gusifura

Taliki 20 kugera 26 Uguhshyingo 2023 mu Kigo cy'Urubyiruko cya Kimisagara "Kimisagara Youth Center" mu Mujyi wa Kigali habereye amahugurwa y'abasifuzi b'umukino wa Handball "National Handball Referee Training Course".

Aya mahugurwa akaba yari yateguwe n'ishyirahamwe ry'umukino wa Handball mu Rwanda "FERWAHAND" ku bufatanye na Minisiteri ya Siporo mu Rwanda "MINISPORTS" n'ishyirahamwe ry'umukino wa Handball ku Isi "IHF".

Abasifuzi basaga 30 barimo abakobwa n'abahungu ni bo bitabiriye aya mahugurwa yatanze n'impuguke, Gerhard Reisinger yoherejwe na IHF ikaba ikomoka muri Austria.



Taliki 25 na 26 Ugushyingo 2023 mu Karere ka Gisagara habereye imikino y'umunsi wa kabiri wa shampiyona ya Volleyball ikinwa n'abandi bafite ubumuga mu bagabo n'abagore "Men & Women Sitting Volleyball Championship 2023-2024".

Imikino y'umunsi wa kabiri yitabiriwe n'amakipe 27 harimo 8 mu bagore aho yakinye hagati yayo. Aya ni Nyarugenge, Ruhango, Rusizi, Musanze, Gakenke, Gicumbi, Bugesera na Rulindo.

Mu bagabo hitabiriye amakipe 19 aho yari yashyizwe mu matsinda 2, itsinda A ryari ririmo Gasabo, Musanze, Kicukiro, Rutsiro, Nyagatare, Rwamagana, Ngoma, Gatsibo, Muhanga na UR Nyagatare naho itsinda B rigizwe na Gisagara, Rusizi, Burera, Rubavu, Nyamasheke, Ruhango, Nyanza, Kayonza na UR Rukara. Uko imikino yose yagenze

Mu bagore

- Bugesera 2-0 Rusizi (25-7 & 25-13)
- Rulindo 0-2 Musanze (16-25 & 17-25)
- Nyarugenge 0-2 Gicumbi (5-25 & 12-25)
- Bugesera 2-0 Gakenke (15-25 & 5-25)
- Rusizi 2-1 Ruhango (23-25, 25-16 & 15-5)
- Rulindo 0-2 Nyarugenge (15-25 & 14-25)
- Gicumbi 2-0 Gakenke (25-11 & 25-13)
- Musanze 2-0 Ruhango (25-7 & 25-6)

Mu bagabo

Itsinda A

- Gasabo 2-0 Ngoma (25-13 & 25-9)
- Gatsibo 0-2 Rwamagana (9-25 & 17-25)
- Musanze 2-0 Kicukiro (25-20 & 25-18)
- Gasabo 2-0 Rwamagana (25-22 & 25-18)
- Ngoma 0-2 Nyagatare (10-25 & 21-25)
- Ngoma 0-2 Kicukiro (6-25 & 6-25)
- Ngoma 0-2 Muhanga (17-25 & 20-25)
- Musanze 2-0 Gatsibo (25-9 & 25-11)
- Muhanga 0-2 Kicukiro (11-25 & 22-25)
- Kicukiro 1-2 Rutsiro (25-27, 25-14 & 13-15)
- Musanze 2-0 Nyagatare (25-19 & 25-19)

Itsinda B

- Gisagara 2-0 Ruhango (25-9 & 25-20)
- Nyanza 1-2 Rubavu (5-25, 25-19 & 6-15)
- UR Rukara 0-2 Burera (16-25 & 20-25)
- Ruhango 0-2 Rubavu (19-25 & 15-25)
- Kayonza 0-2 Burera (17-25 & 15-25)
- UR Rukara 0-2 Rusizi (09-25 & 07-25)
- Gisagara 2-0 Rubavu (25-18 & 25-6)
- Kayonza 2-1 Nyanza (26-24, 14-25 & 15-6)
- Kayonza 0-2 Rusizi (14-25 & 4-25)
- Nyanza 0-2 UR Rukara (22-25 & 15-25)





RWANDA
Olympic rings logo



commonwealth
games
RWANDA

Website: www.olympicrwanda.org

www.olympicrwanda.org/commonwealth

Email: cnosr@olympicrwanda.org |     @RwandaOlympic

Address: Remera–Hallmark Center Building KG 17 Ave